

-SENAT-

Broj: 01-17-104/20

Sarajevo, 22. 07. 2020. godine

Na osnovu člana 130. Zakona o visokom obrazovanju („Službene novine Kantona Sarajevo“ broj: 33/17) i člana 59. Statuta Univerziteta u Sarajevu, a u vezi sa članom 54. Pravila studiranja za treći ciklus studija na Univerzitetu u Sarajevu - doktorski studij, broj: 01-1101-79/18 od 19. 12. 2018. godine sa pripadajućim izmjenama i dopunom broj: 01-3-40/19 od 30. 01. 2019. godine i broj: 01-32-137/19 od 30. 10. 2019. godine i Zahtjevom Kantonalne uprave za inspeksijske poslove Kantona Sarajevo za mišljenje, broj:UP-1-14-12-34-11549/20-12/05 od 23. 06. 2020. godine, Senat je na 16. elektronskoj održanoj 22. 07. 2020. godine, daje *s l j e d e ć e*

T U M A Č E N J E**PRAVILA STUDIRANJA ZA TREĆI CIKLUS STUDIJA NA UNIVERZITETU U SARAJEVU – DOKTORSKI STUDIJ****I**

U članu 26c. stav (2) Pravila studiranja za treći ciklus studija na Univerzitetu u Sarajevu - doktorski studij broj: 01-1101-79-1/18 od 19. 12. 2018. godine sa pripadajućim izmjenama i dopunom broj: 01-3-40/19 od 30. 01. 2019. godine i broj: 01-32-137/19 od 30. 10. 2019. godine (dalje: Pravila), utvrđeno je sljedeće: „*Studenti dokorskog studija u punom radnom vremenu su lica iz člana 26b. tač. a) ovih pravila koji ne participiraju u troškovima dokorskog studija (školarine) ako uredno i na vrijeme izvršavaju svoje obaveze utvrđene ugovorom o studiranju odnosno ugovorom o radu.*“

U smislu naprijed navedenog, provedba odredbe člana 26c. stav (2) vezuje se za potpunu pravnu integraciju Univerziteta u Sarajevu. Obzirom da postupak statusne promjene Univerziteta i organizacionih jedinica nije okončan, te da su organizacione jedinice samostalna pravna lica koja raspolažu vlastitim prihodima u dijelu školarina trećeg ciklusa - dokorskog studija, potrebno je osigurati, da do okončanja postupka pravne integracije, vijeća organizacionih jedinica Univerziteta u okviru svojih nadležnosti, kao i stvarnih mogućnosti za oslobađanje lica iz člana 26b. tačka a) Pravila u participiraju u troškovima dokorskog studija (školarine), odlučuju po pojedinačnim zahtjevima navedenih lica.

II

Tumačenje predstavlja integralni dio teksta Pravila i objavit će se na veb stranici Univerziteta u Sarajevu.

REKTOR
Prof. dr. Rifat Škrijelj

Dostavljeno:

- Organizacionim jedinicama UNSA
- Kantonalnoj upravi za inspeksijske poslove KS, Inspektorat prosvjetne inspekcije
- Veb stranica UNSA
- U dokumentaciju Senata
- Arhivi